

## **Imarsiornerup isumannaatsuunissaq pillugu inatsisit allannguutaasa Kalaallit Nunaannut atuutilersinnerinut peqqussut**

UAGUT MARGRETHE APPAAT, Guutip saammaassineratigut Danmarkip Dronningia, nalunaarpugut :

Qarasaasiakkut assigisaatigullu attaveqaqqusaaneq pillugu inatsisitigut aalajangersakkat assigiinngitsut allannguutaannik inatsimmi nr. 1231, 18. december 2012-meersumi § 70, imm. 4. tak. § 59, nr. 1-2, imarsiornermik inatsisip allannguutaanik inatsimmi nr. 1384, 23. december 2012-meersumi § 10, imm. 2, tak. § 5, nr. 1-4, sissamut tipinikkut umiusarnermik inatsimmut tapiliussaq pillugu inatsit 10. april 1895-imeersoq, umiarsuit inuttaat pillugit inatsisit aamma inatsisit allat assigiinngitsut kiisalu innuttaasut namminneq angallataasa nalunaarsortarnerannut akitsuutit pillugit inatsisip atorunnaarsinneqarneranik inatsit aamma imarsiornermik inatsisip allannguutaanik inatsit nr. 618, 12. juni 2013-imeersumi § 12, imm. 2, tak. § 3, nr. 1 inatsisillu allat assigiinngitsut naapertorlugit aalajangersarneqarput:

### § 1

Imarsiornerup isumannaatsuunissaq pillugu inatsimmi, peqqussutikkut nr. 71 januaarip 31-anni 2013-imeersukkut Kalaallit Nunaannut atuutilersinneqartumi, makkut allannguutigitinneqassapput:

**1. § 3 -mi imm. 3-tut ikkunneqassaaq:**

»*Imm. 3. Nunat issittut imartaani umiartorneq umiarsuarmi issimasunut imaluunniit nunat issittut avatangiisaannut immikkut naviliaffissaqartillugu, umiarsuit isumannaatsuunissaat pillugu malittarisassanik sakkortusisanik inuussutissarsiutinut ineriarternermullu ministeri malittarisassiorsinnaavoq, matumanilanganngullugit imaani pineqartumi angalanermut ilisimartortatut allagartallit atorneqartarnissaannik.*«

**2. § 17, imm. 7 aamma 8, atorunnaarsinneqarput.**

*Imm. 9 aamma 10 kingorna imm. 7 aamma 8-nngussapput.*

**3. § 17 kingorna ikkunneqassaaq:**

»**§ 17 a.** Pissutsit inatsimmi pineqartut imaluunniit inatsit naapertorlugu malittarisassiani pineqartut pillugit pisortanut pisortaniillu allakkatigut attaveqarnerit qarasaasiakkoortinnejartarnissaat pillugu inuussutissarsiutinut ineriarternermullu ministeri malittarisassiorsinnaavoq.

*Imm. 2. Qarasaasiatigut attaveqartarneq pillugu inuussutissarsiutinut ineriarternermullu ministeri erseqqinnerusunik malittarisassiorsinnaavoq, matumanilanganngullugit it-systemit aalajangersimasut, qarasaasiakkut allakanut ilusiliat immikkut ittut aamma qarasaasiakkut atsiornerit assigisaasaluunniit atorneqarnissaat.*

*Imm. 3. Nalunaarut qarasaasiakkoortitaq anngussimasutut isigineqassaaq tigusisussap ammarsinnaalerpagu.*

**§ 17 b.** Inatsit malillugu imaluunniit inatsit naapertorlugu malittarisassiat malillugit, maskiinat taamaaqataaluunniit atorlugit atsiornerit erserseqqinnissaannut imaluunniit periaaseq aalajangiisup allakkiorfulluunniit atsiornerata kinaassusersinissaanik paatsuugassaanngitsumik ersersitsinertalimmik pisortat aalajangikkanik allagaatinillu allanik pilersitsisinnaanerat pillugu

inuussutissarsiutinut inerartornermullu ministeri malittarisassiorsinnaavoq. Aalajangiinerit allagaatillu taama ittut nallersunneqarsinnaapput inummit namminermit atsorneqarsimasutut.

*Imm. 2. Elektroniskiusumik qarasaasiakkut suliat kisiisa tunngavigalugit aalajangiinerit allagaatillu allat pisortat pineqartut nassitsisutut taamaallaat taallugit pilersinneqarsinnaanerat pillugu inuussutissarsiutinut inerartornermullu ministeri malittarisassiorsinnaavoq.«*

**4. § 20 kingorna ikkunneqassaaq:**

»§ 20 a. Inatsit malillugu Søfartsstyrelsip nakkutilliinerminut ilaatillugu umiarsuit inuttaat pillugit inatsisip, umiarsuit uuttortarneqartarnerat pillugu inatsisip aamma imarsiornermik inatsimmi §§ 153, 186, 197, 198 aamma 471-ip taakkualu naapertorlugit malittarisassiat malinneqarnissaat nakkutilliivigisinnaavaa. Pissutsit inatsisinut malittarisassanulluumniit inatsit malillugu pilersinneqartunut akerliusut piaartumik imaluunniit killilerlugu piffissaliussap erseqqinnerusumik taaneqartup iluani iluarsineqassasut Søfartsstyrelsip peqqussutigisinnaavaa.

*Imm. 2. § 16, imm. 2, § 17, imm. 9 aamma 10, § 19, § 22 aamma § 24-ip aamma inatsit malillugu malittarisassiat kiisalu § 25-ip taamaaqataanik imm. 1 malillugu pilersinneqartut nakkutilliinermi malinneqassapput.*

*Stk. 3. Nakkutilliinerit inatsit malillugu ingerlanneqartut aamma umiartortut assigisaasalu naammagittaalliuutaannik suliarinnitarneq pillugu inuussutissarsiutinut inerartornermullu ministeri malittarisassiorsinnaavoq, matumani ilanggullugu naammagittaalliuutip kingunerisaanik nakkutilliilluni ornigunnissaq paasissutissiissutigineqassanngitsoq.«*

**5. § 29 -mi imm. 3-tut ikkunneqassaaq:**

»*Imm. 3. Umiarsuaq imaani ajornartsiulereersillugu issimasut annaanniarnissaat pillugu imarsiornermik inatsimmi § 135 malillugu pisussaaffini umiarsuup naalagaata sumiginnarsimappagit, pinerluttulerinermut inatsit malillugu arlalinnik pineqaatissinneqartussanngorlugu eqqartuunneqassaaq.«*

**§ 2**

Peqqussut atuutilersinneqarpoq ulloq 1. Januar 2016.

Christiansborg Slot-imit tunniunneqarpoq, ulloq 24. August 2015

Kunngisut Atsiorpugut Naqissusillatalu

Dronningip Aqqani

FREDERIK  
Kunngissaq

/Troels Lund Poulsen

